

## Ntsiab Lus Qheb Kev

**Chivkeeb 1:1** Chiv keeb thaum ub Vajtswv tsim lub ntuj thiab lub ntiajteb.

**Henplais 3:4** Vim txhua lub tsev muaj tus uas ua, tiamsis tus uas tsim txhua yam huvsu yog Vajtswv.

**Ntawv Nkauj 19:1** Lub ntuj qhia Vajtswv tus hwjchim ci ntsa iab tshwm los, lub qab ntuj qhia kom pom tej haujlwm uas nws txhais tes ua.

**Ntawv Nkauj 97:6** Txhua haiv neeg txhua xeem 'e, cia li qhuas Yawmsaub, cia li qhuas tias Yawmsaub muaj hwjchim ci ntsa iab thiab muaj zog.

**Loos 1:18-20** Vajtswv ua nws txojkev npau taws tshwm saum ntuj los tawm tsam txhua yam uas neeg

ua phem thiab tsis hwm Vajtswv, yog cov uas pheej muab txojkev phem yuam txojkev tseeb. 19Qhov uas paub txog Vajtswv yeej paub meej lawm vim tias Vajtswv twb qhia tshwm tag rau lawv lawm. 20Txij thaum tsim ntuj tsim teb los, txawm yog neeg tsis pom Vajtswv zoo li cas, los Vajtswv lub hwjchim uas nyob mus ib txhis thiab qhov uas nws yog Vajtswv kuj tshwm meej rau hauv txhua yam uas tsim los lawd. Yog li ntawd neeg tsis muaj lus cav li.

**Loos 2:15** Lawv ua lub neej kom pom tias txoj kevcai twb sau cia rau hauv lawv lub siab lawm, thiab lawv lub siab uas paub qhov phem qhov zoo kuj ua timkhawv, thiab lawv tej kev xav uas tej zaum yog rau txim tej zaum yog zam txim.

**Ntawv Nkauj 14:1** Cov neeg ruam xav hauv lub siab tias, “Tsis muaj Vajtswv.” Lawv lub siab phem kawg li

thiab lawv ua tej uas qias vuab tsuab, tsis muaj ib tug ua zoo li.

**Ntawv Nkauj 10:3-4** Tus neeg limhiam (khav theeb) khav txog tej uas nws lub siab ntshaw, tus neeg siab hlob cem foom thiab thuam Yawmsaub. 4Tus neeg limhiam (khav theeb) lub siab khav theeb tsis nrhiav Vajtswv, nws tsuas xav hais tias, “Tsis muaj Vajtswv li.” (Vajtswv yuav tsis nrhiav nws)

**Ntawv Nkauj 36:1** Txojkev txhaum hais tob tob rau hauv tus neeg limhiam lub siab, nws tsis paub ntshai Vajtswv kiag li.

**Kevcai 32:3-4** Rau qhov kuv yuav tshaj tawm Yawmsaub lub npe. Cia li qhuas ntxhias tias peb tus Vajtswv loj kawg nkaus. 4Nws yog txhib zeb, mas nws tes haujlwm zoo txhua fab, txhua yam uas nws ua kuj ncaj ncees.

Vajtswv yog tus uas yeej tso siab tau, nws tsis ua ib qho txhaum li, nws txiav txim ncaj thiab ua raug cai xwb.

**Levi Tej Kevcai 19:2** “Cia li hais rau ib tsoom Yixayee sawvdaws tias, ‘Nej yuav tsum ua dawb huv, rau qhov kuv yog Yawmsaub uas yog nej tus Vajtswv yog tus dawb huv.’”

**1 Petus 1:6** rau qhov muaj lus sau cia hais tias, “Nej yuav tsum ua neeg dawb huv, vim kuv yog tus dawb huv.”

**1. Yog piv rau Vajtswv neeg ntiajteb yeej los yog neeg txhaum**

**Yelemi 17:9** Lub siab yog tus uas dag ntxias heev dua lwm yam huvsi, thiab phem kawg li. Leejtwg yuav paub tau neeg lub siab?

**Yakanpau 2:10** Yog leejtwg tuav rawv txoj kevcai huvsi tsuas yog txhaum ib nqes xwb tus ntawd kuj ua txhaum txoj kevcai tag nrho huvsi.

**Loos 3:10** Raws li twb sau cia hais tias, “Tsis muaj ib tug ncaj ncees, tsis muaj ib tug kiag li.

**Loos 3:11** Tsis muaj ib tug nkag siab, tsis muaj ib tug nrhiav Vajtswv.

**Yaxaya 53:6** Peb txhua tus yuam kev yam li tej yaj, peb txhua tus nyias tig mus taug nyias txojkev, mas Yawmsaub muab peb sawvdaws lub txim tso rau saum nws.

**Loos 3:23** rau qhov txhua tus puavleej muaj txim thiab poob ntawm Vajtswv lub hwjchim ci ntsa iab lawm,

## **2. Txoj kev txhaum txim ua rau tibneeg raug cais ntawm Vajtswv thiab poob rau kev ploj tuag**

**Yaxaya 59:2** Tiamsis tim nej tej kev txhaum quas nej thiab nej tus Vajtswv, thiab nej lub txim roos nws lub ntsej muag lawm, nws thiaj tsis hnov,

**Loos 5:12** Yog li no, lub txim tshwm los rau hauv lub ntiajteb yog tim tib leeg, thiab txojkev tuag tshwm los yog tim lub txim ntawd, thiab txojkev tuag kis mus rau ib tsoom neeg txhua tus vim yog neeg txhua tus ua txhaum muaj txim.

### **3. Thaum tag simneej txhua leej yeej yuav mus rau Vajtswv txiavtxim**

**Henplais 9:27** Ib yam li uas teem cia rau neeg tuag tib zaug xwb thiab tom qab kuj raug txiav txim li cas,

Loos 14:12 Hauv tus Tswv Yexus kuv paub thiab ruaj siab tias tsis muaj ib yam dabtsi uas nws cia li qias nws xwb, tiamsis yog leejtwg xav tias yam twg qias tsis huv mas yam ntawd kuj qias tsis huv rau tus ntawd.

### **4. Vim tibneeg txoj kev txhaumtxim tibneeg tsimnyog raug tiv kev txomnyem nyob rau**

**2 Thexalaunika 1:7-9** thiab pub nej cov uas raug kev tsim txom ntawd tau nrog peb so kaj siab, rau thaum

tus Tswv Yexus nrog nws cov tubtxib uas muaj hwjchim tshwm saum ntuj nrog hluavtaws los. <sup>8</sup>Nws yuav rau txim rau cov uas tsis paub Vajtswv thiab rau cov uas tsis mloog peb tus Tswv Yexus txoj xov zoo. <sup>9</sup>Lawv yuav raug txim yog qhov uas lawv puam tsuaj mus ib txhis thiab raug ncaim ntawm tus Tswv lub xubntiag thiab ntawm nws lub zog uas muaj hwjchim ci ntsa

**Qhia Tshwm 21:8** Tiamsis cov neeg siab yau, cov uas tsis ntseeg, cov uas ua qias vuab tsuab, cov tua neeg, cov ua nkauj ua nraug, cov ua khawv koob yees siv, cov pe dab mlom thiab txhua tus neeg dag, lawv li feem yog nyob hauv ntuj tawg lawj faj,x uas yog txojkev tuag zaum ob.”

**Malakau 9:43** Yog koj txhais tes ua rau koj ua txhaum, cia li muab txiav pov tseg. Koj txawm nqws tes los koj tau txojksia kuj zoo dua koj muaj ob sab tes es poob rau

hauv ntuj tawg kub uas hluavtaws tsis txawj tuag li.

**Mark 9:45** Yog koj txhais kotaw ua rau koj ua txhaum, cia li muab txiav pov tseg. Koj txawm nqws taw los koj tau txoj sia kuj zoo dua koj muaj ob sab taw es raug muab pov rau hauv ntuj tawg

**Malakau 9:47** Yog koj lub qhov muag ua rau koj ua txhaum, cia li muab kaus. Koj nkag mus rau hauv Vajtswv lub tebchaws muaj ib sab qhov muag xwb kuj zoo dua koj muaj ob sab qhov muag es raug muab pov rau hauv ntuj tawg kub,

**Malakau 9:48** qhov chaw ntawd cov kas uas noj lawv tsis txawj tuag thiab hluavtaws kuj kub tsis txawj tuag.

**5. Rau qhov Vajtswv hlub neeg ntiajteb thiab li tso Tswv Yexus los pab kom peb nrog Nws rov sib raug zoo cawm kom peb tsis rau kev teem txim los ntawm qhov uas Nws twb nyob lub txim ntawd rau peb lawm.**

**Loos 5:8** Tiamsis Vajtswv ua nws txojkev hlub tshwm rau peb, yog qhov uas thaum peb tseem ua neeg muaj txim Khetos tuag this peb

**1 Petus 3:18** Rau qhov Khetos tuag txhiv lub txim tib zaug xwb kuj txaus lawm, nws yog tus uas ncaj ncees this cov uas tsis ncaj, kom nws thiaj coj tau peb los cuag Vajtswv. Nws lub cev nqaij tawv raug muab tua tiamsis nws rov tau txoj sia ntawm sab ntsuj plig.

**1 Yauhas 2:2** thiab nws yog yam uas muab xyeem ntxuav peb lub txim, *2:2 ntxuav lub txim: lossis: rhuav tau*  
*Vajtswv txojkev npau taws mus* tsis yog peb lub txim xwb tiamsis yog tag nrho lub ntiajteb li txim thiab.

## **6. Tswv Yexus xav kom txhua leej tau txais kev cawm dim**

**1 Timaute 2:3-4** Qhov uas ua li no yog qhov zoo thiab hum Vajtswv uas yog peb tus Cawmseej lub siab. 4Nws xav kom ib tsoom neeg sawvdaws tau txais kev dim thiab paub txojkev tseeb.

**2 Petus 3:9** Tus Tswv tsis sej nws tej lus cog tseg raws li qee leej xav ntawd tiamsis nws ua siab ntev rau nej, vim nws tsis xav cia leejtwg puam tsuaj, tiamsis xav kom txhua tus ntseev dua siab tshiab.

## **7. Leejtwg los kuj dim tau thiab nyob ib txhis yog tus ntawd ntseeg thiab txais yuav Tswv Yexus ua nws tus Cawm Seej**

**Yauhas 3:16** “Vajtswv hlub ntiajteb kawg li nws thiaj pub nws tib leej Tub los kom txhua tus uas ntseeg leej Tub ntawd thiaj tsis puam tsuaj tiamsis yuav tau txojhia ib txhis tsis kawg.

**Yauhas 3:18** Tus uas tso siab rau leej Tub yeej tsis raug teem txim, tus uas tsis tso siab rau leej Tub twb raug teem txim lawm vim nws tsis tso siab rau Vajtswv tib leej Tub lub npe.

**Yauhas 1:12-13** Tiamsis txhua tus uas lees yuav nws, yog cov uas ntseeg nws lub npe, nws kuj pub lawv muaj feem ua Vajtswv li menyuum, 13tsis yog yug ntawm nqaij ntawm ntshav raws li neeg ib txwm yug

lossis yug raws li neeg lub siab xav tiamsis yug ntawm Vajtswv los.

**Yauhas 20:30-31** 30Yexus tau ua dua ntau yam txujci tseem ceeb tab meeg nws cov thwjt看 uas tsis tau muab sau cia rau hauv phau ntawv no. 31Tej uas muab sau cia no kuj yog sau kom nej tau ntseeg tias Yexus yog tus Khetos, yog Vajtswv leej Tub. Yog nej ntseeg nej yuav tau txoj sia hauv nws lub npe.

**8. Vim yog tibneeg yog neeg txhaum nws yuav dim tsis tau los ntawm nws lub peevxwm los yog kev zoo tabsis yuav dim los ntawm qhov uas ntseeg hauv Tswv Yexus xwb.**

**Henplais 11:1** Kev ntseeg yog qhov uas ruaj siab rau tej uas vam ntsoov, yog qhov uas cia siab tias tej uas qhov muag tsis tau pom muaj tseeb.

**Henplais 11:6** Yog tsis muaj kev ntseeg yeej ua tsis tau hum Vajtswv siab li. Rau qhov tus uas yuav los cuag Vajtswv yuav tsum ntseeg tias muaj Vajtswv tiag thiab nws pub nqe zog rau cov uas nrhiav nws.

**Efexau 2:8-9** Rau qhov nej dim, yog los ntawm txojkev hlub vim yog nej ntseeg. Txojkev dim no tsis yog tshwm ntawm nej los tiamsis yog Vajtswv pub dawb xwb, 9tsis yog tau ntawm qhov uas xyaum xwv thiaj tsis muaj leejtwg khav tau.

**Loos 3:28** Peb paub tias neeg raug suav tias ncaj ncees yog vim nws ntseeg tsis yog qhov uas nws xyaum raws li txoj kevcai.

**Kalatias 3:11** Yeej paub tseeb tias tsis muaj leejtwg xyaum raws li txoj kevcai yuav raug suav tias ncaj ncees rau ntawm Vajtswv lub qhov muag. Rau qhov “Tus uas ncaj ncees yuav muaj txojkia nyob vim qhov uas nws ntseeg.”

**Yaxaya 64:6** Peb txhua tus zoo li cov uas qias tsis huv, thiab peb tej kev ncaj ncees huvsu zoo li tej khaubncaws uas qias puas tsuas. Peb txhua tus tuag tshav yam li tej nplooj ntoo, peb tej kev txhaum muab peb kuav kiag mus yam li cua ntsawj.

**9. Yeej los tsis muaj ib txojkev twg yuav cawm tau tibneeg dim tsuas yog los ntawm Tswv Yexus los xwb**

**Pajlug 14:12** Muaj ib txojkev uas neeg pom tias zoo, tiamsis txojkev ntawd qhov kawg yog kev tuag.

**1 Timautes 2:5** Rau qhov muaj tib tug Vajtswv thiab muaj tib tug nyob nruab nrab Vajtswv thiab neeg, yog Yexus Khetos uas yog neeg,

**Tub Txib Tes haujlwm 4:12** Hauv lwm tus yeej tsis muaj kev dim kiag li, rau qhov thooob plaws hauv qab ntuj no tsis muaj dua ib lub npe uas pub rau neeg siv cawm peb dim.”

**Yauhas 14:6** Yexus hais rau nws tias, “Kuv yog txojkev ntawd, yog qhov tseeb thiab yog txojkia. Tsis muaj leejtwg mus cuag tau leej Txiv tsuas yog mus ntawm kuv mus xwb.

**10. Vajtswv hu txhua leej uas ntseeg Nws kom lees txim thiab hloov dua siab tshiab ua kevcai rausdej loj hlob ntawm Vajtswv thiab hwm Vajtswj**



**Lukas 5:30-32** Cov Falixai thiab lawv cov xibhwb qhia Vajtswv kevcai yws rau Yexus cov thwjtim tias, “Ua cas nej nrog cov neeg sau se thiab cov neeg muaj txim noj haus ua ke?” 31Yexus txawm teb lawv tias, “Cov neeg uas tsis muaj mob tsis cheem tsum Kws tshuaj, tsuas yog cov muaj mob thiaj cheem tsum xwb. 32Kuv tsis yog los hu cov neeg ncaj ncees, tiamsis yog los hu cov neeg muaj txim kom ntseev dua siab tshiab.”

**Lukas 24:45-47** Thiab Yexus qheb lawv lub siab kom to taub Vajtswv txojlus, 46thiab hais rau lawv tias, “Muaj lus sau cia hais tias tus Khetos yuav tsum raug kev tsim txom thiab peb hnuv yuav ciaj sawv hauv qhov tuag rov los, 47thiab yuav tsum tuav tus Khetos lub npe tshaj tawm qhov uas ntseev dua siab tshiab thiab qhov uas daws tau lub txim rau txhua haiv neeg mloog, yuav pib ntawm Yeluxalees mus.

**1 Yauhas 1:8-10** Yog peb hais tias peb tsis muaj txim, kuj yog peb rov dag peb tus kheej, thiab txojkev tseeb tsis nyob hauv peb kiag li. 9Yog peb lees peb lub txim Vajtswv ncaj ncees thiab tso siab tau, nws yuav daws peb lub txim thiab ntxuav peb tej kev phem huvsimus. 10Yog peb hais tias peb tsis tau ua txhaum, kuj yog peb suav tias Vajtswv hais dag thiab nws tej lus tsis nyob hauv peb lawm.

**Loos 2:4** Lossis koj tseem saib tsis taus nws txojkev khuvleej thiab nws txojkev ua siab ntev thiab nws txojkev uas thev taus uas nws muaj nplua mias? Koj tsis paub tias Vajtswv txojkev hluv yuav coj kom koj ntseev dua siab tshiab lov?

**1 Yauhas 3:9** Txhua tus uas yug ntawm Vajtswv los tsis ua txhaum, rau qhov Vajtswv cov noob nyob hauv nws, nws thiaj ua txhaum tsis tau vim nws yug ntawm Vajtswv los.

**Titau 3:5** Vajtswv cawm peb dim, tsis yog vim peb ua ncaj ncees tiamsis yog Vajtswv txojkev khuvleej uas nws ntxuav peb kom yug dua tshiab thiab tsim dua tshiab hauv Vaj Ntsuj Plig uas dawb huv.

**Yauhas 3:5** Yexus teb tias, “Kuv hais tseeb rau koj tias, yog leejtwg tsis tau yug ntawm dej thiab ntawm Vaj Ntsuj Plig, tus ntawd yuav nkag tsis tau rau hauv Vajtswv lub tebchaws kiag li.

**Malakaus 16:16** Tus uas ntseeg thiab ua kevcai raus dej yuav dim. Tus uas tsis ntseeg yuav raug teem txim.

**Mathais 28:19-20** Yog li no nej cia li mus coj txhua haiv neeg los ua kuv li thwjtim, thiab muab lawv ua kevcai raus dej hauv leej Txiv, leej tub thiab Vaj Ntsuj Plig dawb huv lub npe, 20thiab qhia kom lawv tuav rawv txhua yam uas kuv tau qhia rau nej lawd. Thiab

kuv niaj hnuv yuav nrog nraim nej mus txog lub sijhawm kawg.”

**Loos 12:1-2** Yog li no, cov kwvtij, vim Vajtswv txojkev khuvleej kuv thiaj thov nej muab nej lub cev xyeem pub rau Vajtswv, yog yam uas xyeem ciaj sia thiab dawb huv thiab txaus Vajtswv lub siab ua qhov uas nej sab ntsuj plig pe hawm Vajtswv. 2Tsis txhob yoog raws li tej neeg tiam no ua. Nej yuav tsum txais kev hloov dua siab nej tej kev xav thiaj hloov dua tshiab. Mas nej yuav paub tias Vajtswv lub siab nyiam li cas thiaj paub tias yam uas zoo thiab yam uas txaus nws siab thiab yam uas zoo kawg nkaus.

**1 Petus 2:2** Ib yam li cov menyuam mos uas nyuam qhuav yug, nej cia li ntshaw cov kua mis dawb huv sab ntsuj plig, xwv cov kua mis ntawd thiaj pab nej kheev hlob mus tau txojkev dim,

**Yauhas 14:21** Tus uas muaj kuv tej lus nkaw thiab tuav rawv tej lus ntawd, tus ntawd thiaj yog tus uas

hlub kuv. Thiab tus uas hlub kuv ntawd kuv leej Txiv yuav hlub nws, thiab kuv yuav hlub nws thiab qhia kuv rau nws pom.”

**Yauhas 14:24** Tus uas tsis hlub kuv kuj tsis tuav rawv kuv tej lus. Thiab tej lus uas nej hnov no tsis yog kuv li lus tiamsis yog leej Txiv uas txib kuv los li lus.

**11. Txoj kev cawmdim tsis yog los ntawm txojkev xav tabsis cov ntseeg Yexus dim los ntawm qhov uas Vajtswv twb cog lus tseg cia lawm**

**Yauhas 5:24** Kuv hais tseeb rau nej tias, tus uas mloog kuv lus thiab ntseeg tus uas txib kuv los, tus ntawd kuj tau txojhia ib txhis tsis kawg. Nws yuav tsis raug txiav txim, nws twb hla txojkev tuag mus tau txojhia lawm.

**1 Yauhas 5:11-12** Tej lus timkhawv yog li no, Vajtswv pub txojhia ib txhis rau peb thiab txojhia no nyob hauv nws leej Tub. 12Tus uas muaj leej Tub kuj muaj txojhia. Tus uas tsis muaj leej Tub kuj tsis muaj txojhia.

**1 Yauhas 5:13** Kuv sau tej lus no rau nej cov uas tso siab rau Vajtswv leej Tub lub npe kom nej thiaj paub tias nej muaj txojhia ib txhis tsis kawg.

**12. Tus cawm seej pub txojhia tshiab rau cov uas ntseeg Nws thaib pub lub homphiaj tshiab rau txojkev ua neej**

**2 Kauleethaus 5:17** Vim li no, yog leejtwg nyob hauv Khetos, tus ntawd kuj raug muab tsim dua tshiab lawm. Tej yam qub twb dua tag lawm, saib maj tej yam tshiab twb tshwm los lawm.

**Mathais 16:24** Thaum ntawd Yexus hais rau nws cov thwjtim tias, “Yog leejtwg xav raws kuv qab mus, cia tus ntawd tswj nws tus kheej thiab kwv nws tus khaublig ntoo raws kuv qab.

2 Kauleethaus 5:14-15 Rau qhov Khetos txojkev hlub kav rawv peb. Peb ruaj siab tias muaj ib tug tuag this sawvdaws, yog li ntawd sawvdaws thiaj tuag lawm. 15Thiab nws tuag this sawvdaws xwv cov uas tseem muaj txojhia nyob thiaj tsis nyob xam pom rau lawv tus kheej xwb tiamsis yuav nyob xam pom rau tus uas tuag thiab raug muab tsa sawv rov los vim yog saib rau lawv.

**1 Kauleethaus 6:19-20** Nej tsis paub tias nej lub cev yog Vaj Ntsuj Plig uas dawb huv lub tuam tsev lov? Nws yog tus uas nyob hauv nej thiab nej tau ntawm Vajtswv los. Nej tsis yog tus uas kav nej lub cev, 20rau qhov Vajtswv them nqe yuav nej. Yog li no nej yuav tsum cia nej lub cev ua rau Vajtswv tau koob meej.

**Kalatias 2:20** Kuv raug muab teem nrog Khetos saum khaublig ntoo lawm. Kuv txojhia tsis muaj nyob lawm, tiamsis Khetos nyob hauv kuv. Txojhia uas kuv tseem muaj nyob hauv kuv lub cev no, yog kuv ua neej nyob ntawm txojkev ntseeg Vajtswv leej Tub uas hlub kuv thiab muab nws tus kheej this kuv.